

OMUKWETU

Registered at the General Post Office as a Newspaper



Kuhepekwa kwoye nku, Niilalo wo nokusa nku Mungame u yi thindile, Ogame ndaa ku dhimbwe po

YANGAPI YE LI MUUWEHAMWE

Suidwes-Afrika nenge tu tye Namibia ngashi oyendji ya hokwa li ithanwe ngeyi, osho oshilongo shimwe shomiilongo oyindji muAfrika tayi hokololwa kaaleli yawo kutya oya manguluka, yi na elago, yi na ombili nokayi na nando shono ye shi pumbwa.

Ihe omoshilongo tuu shika ngashi wo iikwawo oyindji muAfrika nomuuyuni yaa na ombili. Muka aantu ye vule 5,000 aakiintu naalumentu, aagundjuka nuunona, oya taaguluka ongamba noya ka holama muZambia okuza Mai 1974. Oyendji oya kala nale hoka shi vule ngashingeyi omimvo 10.

Osho wo aantu ye vule 70,000 ya za muBurundi, oya kongo eholamo muTanzania noyendji ya za muRuanda ya holame muTanzania. (Africa Acts Nov. 74) Hayo ayeke mboka. Oku na oyendji ya holama muBotswana, muZaire, muLesotho nenge palwe.

Aantu yomayuvi 15 nenge 20 nokuli oya hokololwa ya tauka muMozambikwe naAngola noya kongo oshiholameno shawo muS.A. okuza pehulilo lyomumvo 1974 (Die Suidwester 18/3/75). Ngele uuyuni otau tsikile nonkalo yawo ya tya ngeyi yokuthangathana nokutilathana ongiiikama, nena omuntu oshe ku yelela kutya omiyalu ndhika hadho dha hugunina okuholokela momapandja giifo.

Epulo enene tali thikamene omukriste kehe muyelele womahepeko gaKristus nolutu lwe muuyuni wetu wongashingeyi olyo ndika: Ayehe mbaka otaa hepekithwa kulye notaa hepekelwa lye? Aatiligane mpaka oye na uupu oku umbila ondjo ndjika kaaluudhe, manga aaluudhe wo taye yi umbile miikaha yaatiligane. Natu yi umbilathane ngaaka, ihe oshili otayi kala ya yela kutya, otu na olutu lwaKristus talu ehama mokati ketu.

Otu na mboka ya kanitha omagumbo, ya knitha aakwawo, oondjokana, omaluvalo kaye na ikulya. Otaa si uutalala pamwe, otaa si uupyu palwe, otaa sile palwe noshu tuu omolwonkalo yuuyuni wetu. Kristus okwa ti:

“Ongame nde ya opo ayehe ya kale ye na omwenyo noya kale ye na egwaneno. Epulo olyo ndika: Ayehe oyenipo?”

YA DHIMBULUKWA MOMAGALIKANE-NO GOYE

Dhimbulukwa okugalikanena mboka taa hepekwa omolweitaalo lyawo; Iil.12:1-5 Omolwevi lyawo noshilongo shaandjawa Omolwomuhoko nenge olwaala 1Sam. 17:42-43.

Kalunga omunamapangelo agehe ngashi a hupitha Ongeleka ye miikaha yaNero omudhudhu, osho wo ta mangulula Ongeleki ye nopethimbo ndika miikaha yaamboka ya hala oku yi ngambeka oonga-

OSHINAKUGWANITHWA SHONGELEKI MUUYUNI WONENA

Oshilonga shetu oshinipo ongaawiliki yOngeleki yopethimbo ndika edhigu, ethimbo lyomangwandjulathano nomethimbo ndyoka sha yela kutya ombepo yopauyuni, oya mono eha moomwenyo dhaakriste yetu?

Eipulo ndika olya kuthwa mehokololo lyomupresidende gwehangano lyOongeleki oonkwaevangeli paLuther dhomuumbugantu waAfrika (FELKSA), omusita-gongalo A. W. Habelgaarn.

Moshigongi shehangano shokomumvo muSwakopmund shono sha ningwa petameko lyomwedhi nguka, omupresidende okwa ulike komalunduluko taga uvanekwa muumbugantu waAfrika mombinga yuupolotika nokwa ti:

Manga tapu ningwa oonkambadhala adhihe papolotika okutunga ombili, shono tashi holoka po, olwindji osho nga elongitho lyoonkondo. Shika oshi ipulitha ndje: Ongeleki pethimbo ndika oyi ithanenwa ewiliko ya tya ngiini? Osho a ti.

Moshipopiwa she shono sha kankamelwa kembo etiyali lyaMoes 2: 11-25, omusamane Habelgaarn, okwa aneke puuyelele omapuko gomewiliko lya Moses naashono Moses i ilongo momapuko ge. Oshipopiwa she okwe shi huli-tha nomatumbulo ngaka.

Moses ngoka kwa li iningi Moses omwiifupipiki ta kutha oshigwana shaKalunga muupika pankondo dhaKalunga. Okwa ti ihe kaapulakeni ye ngeyi:

Kashi ko shoka, tu tye ando aantu yaKalunga otaa hepa, ye Kalunga eta kala ando inee ya yamukula, aawe.

Kalunga ota longo mehistolli noti iholola miilonga ye nomoohapu. Osho tani-ningi ngashingeyi noshu ta ka ninga nokomeho. Tse ongaakriste, aantu yaKalunga, tu humiiko metegameno lyomuukumwe womuKristus nonando tu kale twa za komidhingoloko dha tya ngiini. Osho a ti.

Ehangano lyOongeleki oonkwaevangeli paLuther muumbugantu waAfrika, Felksa, oli na iilyongeleki 13 naakalimo yomoongeleki adhihe ndhoka oye thike 850,000.

mba. Ongeleka otayi longo oshipango shayo shevangeli nemanguluko Mat.28: 18-20. Oshilonga shika Ongeleka otayi shi longo mehanganu limwe lyaakriste ayehe.

Ongeleka otayi longo oshilonga shika opo kwaa kale ngoka ta tidhagana nokuhepeka omukwawo meni lyevi nenge moshilongo she, e mu ningile mo omupika nonkwatwa nenge e mu yuge eliko lye niinima ye, aawe.

Severus Kamati

Ano sho ya thiki kokuma kwi ithanwa: OSHALA SHOLUKWE, oko ye mu alele komushigakano. Naakolokoshi yaali, gumwe kolulyo nomukwawo kolumoho. Jesus okwa ti: Tate, ya dhimina po oondjo dhawo, oshoka kaye shi shoka taa ningi..... Luk.23:33-56

Uuwehame wa dhiladhililwa omwaalelwa komushigakano kehe ou li mpoka kutya a se kondjala nokenota, tashi endeke pamwe nuuwehame woombaha. Yamwe oye endjelele kOmushigakano nokuli uule woshiwike ashike. Jesus okwa kala ko ashike ootundi dhimwe. Ihe aayalelwa pamwe naye oya li ye na okudhipagwa. opo omidhimba dhaa kale dhc endjelele komiti momasiku gapaasa. Ihe Jesus ina dhipagwa okwa adhika omwenyo gwe e gu gandja nale miikaha yaHe Ov.46, pahunganeko.

Muashihe sha ningwa po pealelo lyO-mukulili sigo eso lye, osha li sha ningilwa montaneho yomukwiita omupagani. Uukwatya waJesus wa hugunina, owi inyengitha omwenyo gwomupagani, sigo a hempulula nokana ke: "Oshili nguka okwa li omuyuuki." Ov.47.

Uudhigu wetu wo yopethimbo ndika o-wokumona ethimbo tali opalele okuholola esimano lyedhina lyaKalunga puuyelele. Onkalo oyindji otayi tu thiminike tu idhimbike, tse tu tse ondumbo naJesus notu gandje esimano alihe kuuyuni.

Uuyuni owa hala tu hempulule kutya owo auke tau vulu, sha, Jesus ita vulu. Uukriste itau vulu, Ongeleka itayi vulu, ooitaali itaa vulu sha. Omukwiita okwa li a tulwa meitaalo lya tya ngeyi kEpangelo lyaandjawa lyaRoma nokEpangelo-engeleka lyegongalo lyaJsrusalem (aasaseli aakuluntu naanongoramata). Ngashingeyi ota shuna kelangelo lyawo nontseyo ompe: "Ngwiyaka (Jesus) okwa li omuyuuki."

Josef wo oti iulike omadhiladhilo ge mpoka ga gama, te shi ningi montaneho. Ita popile edhipago lyaJesus nando ine shi kondjitha mondambo yepangulo. Ita gandja esimano kuPilatus nenge kaasaseli aakuluntu, a tye ando oya kola omunime moshigwana, aawe.

Okwa kala nolugodhi lwepangulo lya na uuyuuki noshe mu tokolitha e shi holole puuyelele. Metokelwo lye, omudhimba ashike a vulu okuyakula nawa. Josef kwa adha po sha a vulu okushinga ihe tse olwindji inatu adhapo we sha. "Andola onda tilee.....", osho tatu thigala po nasho.

Otu li muuyuni waa na uuyuuki monkalathano momagumbo, momikunda, momagongalo nomomapangelo. Oyendji oya zi pooyene yomikunda nomiinyangangongalo taa lili sho oohapu dhawo aniwa inaadhi pulakenwa. Oonakuthindilwa-kongudhi otaa ligamene kiipala yaamboka ye ya hokololele omaudhigu gawo ngele taku ya zile ekwatho, ihe aawe. Aakwathi oyendji ya tila okulongitha ethimbo, yaa dhimbululwe kaathiminiki kutya oya gama kaahepekwa.



Okupopila uuyuuki montaneho kashi shi ano oshipu. Osha pula omukwiita omupagani ekondjo edhigu. Pamwe a tidhwa mo nokuli miilonga omolwehempululo lye. Osha pula wo Josef ethimbo e shi holole montaneho. Osho tu na oyendji sigo onena taye shi ningi nuuwehame uunene notashi ya kanithile okupopilwa muuwanawa.


Patekisti ndjika edhina lyaKalunga otali simana mpoka apehe sho ku na mboka taa gama kaahepekwa. Evangeli otali adhima ashike nawa, mpoka yamwe sho taye li ganda, manga yamwe taa igameke kulyo montaneho.

Sebulon Ekandjo

OMUTELEKILELA TA PUMBIWA KONANDJOKWE

Mokombitha yoshipangelo, Onandjokwe, otamu pumbiwa omulumentu nenge omukiintu, ngoka e shi nawa iilonga yeteleko.

Onawa unene omuntu ngoka ngele oku na ombapila yasha tayi mu hokolola kutya okwa li nale miilonga yeteleko, mohotela nenge yokefe yontumba, e yi etelele sho te ya okukonga oshilonga shika. Ngoka u na ehalo nowino miilonga ya tumbulwa mpaka, holoka ano komukuluntupangi (Matrone) gwOnandjokwe, mu kundathane.



Omuwilikingeleki K. Dumeni

"ILONGEKIDHA (IHOMATITHA): ANO-U KA TSAKANENE KALUNGA KOYE"
AMOS 4:12

Otu li methimbo lyeilongekidho. Omangelo otagi ihomatekitha okukatuka oonkatu. Aakongindjila osho taa igidha "Kala wi ilongekidha." Ooradio otadhi tseyitha aantu yi ilongekidhile ehumokomeho nomahupilo niita, naatondi yoshigwana yoludhi kehe. Eeno oshiwawana noshu uka, oshoka otu na okukala twi ilongekidha.

1) TANGO: KALA WI ILONGEKIDHILA OMWENYO GWAALUHE.

Kala wi itaala Jesus, oshoka Jesus oye eyamukulo muudhigu kehe oye "OMASTER" Oshipatululo shomwelo adhihe.

Tala, otu na omaudhigu ogendji. Uumbanda, omapuko taga ningwa, nge momagumbo, momahangano, moskola, mepangelo, monkalathano. Uumbanda weso, wiiponga, uuvu, moondjokana, yamwe ya tila taa hupuko. Uumbanda sho ya ningi oonkolwe, okutila pamwe otaku ya iita. Oku na omapulo. "Shoka oshili tuu". Oyendji otaa kongo omayakulo palwe pondje yaJesus. Osha yela itaa ka mona omayamukulo komapulo gawo agehe.

Elaka kwaayehe mboka olyo ndika. "Ilongekidha u ka tsakanene naKalunga koye". Jesus e na eyamukulo kuudhigu woye kehe. Ongele ngoye omuntu gumwe oshigwana, nenge ongerki, nenge omuwiliki gwasho "Ilongekidha u ka tsakanene naKalunga koye". Omwenyo nedhimo po lyoondjo oyi li mu Jesus amuke. Oshoka ayehe ye na okutsoongolo medhina lyaJe-

sus"Fil 2: 9-11. Jesus Kristus oye Omuwa. "Ilongekidha u ka tsakanene naKalunga manga pe na ethimbo u hupithwe. Naashika osho okwiilongekidhila omwenyo gwaaluhe.

2) OLUTIYALI: KALA WI ILONGEKIDHILA ESO:

Otu li methimbo lyahugunina. Ilongekidha u ka tsakanene naKalunga koye konima yeso lyye. Dhimbulukwa oto si, otandi si, aantu oyuuthilwa YE NA OKUSA LUMWE, notaku landula epangulo. Heb 9:27. Ondjambi yuulunde oyo ESO: Konima yeso otaku ka tsakanenwa naKalunga Omunankondo, Omuhupithi Omupanguli gwaayehe. Aalunde otaa tila okusa. Eeno, onawa shili ngele taa itedhulula manga ESO inaali ya ila po. Sho twa u thwa tu na okusa tu etheni uulunde kehe, Ondhinokalunga, uunkolwi naayihe yopanyama nopayuni tse twi ilongekidhe okutsakaneka Kalunga ketu konima yeso.

Osha yela wo kutya, shaa gumwe kala u shi shi oto ka tsakanene naKalunga koye. Oto ki ihokolola koshipala shaKalunga. Iilonga yoye ayihe oto ka ninga eyalulo nkene wa longa, wa pangela egumbo, osikola, oshilongo, egongalo, omukunda nkene wa pangula. Dhimbulukwa ihe ngoye wo oto ka pangulwa, oshoka ELAKA LYAKALUNGA: "Ilongekidha ano u ka tsakanene Kalunga koye", itali lunduluka.

"Naanene naashona ya thikama montaneho yoshipangelapundi, noramata yomwenyo, oramata mwa nyolelwa iilonga yawo. Yamwe oya zi mofuta, moshashi oyo noya pangulilwa okehe tuu ngoka piilonga yawo ngoka inaa monika moramata yomwenyo oku umbilwa mofuta lyomulilo." Ehlolo 20: 11—15.

Tango u kale wi itedhulula shili muulunde kehe nowi itaala Jesus Kristus, manga pu na ethimbo.

Ngele tatu tala mehistoli otatu mono oshiholelwa sha yela miilongo mbika. Oshilongo shaJuda, noshilongo shalrael. Iilongo mbika oya li ya pilamene Kalunga. Oya ende kokule naKalunga, inaa hala okupulakena ewi lyaKalunga koohe. Ku Juda okwa tumwa omuprofeti Jesaja. Okwa fala elaka: "Omuwa ota ti," itedhululeni, etheni iimenka. "Ilongekidheni mu ka tsakanene naKalunga keni, manga pe na ethimbo." Aapangeli mbeya oya hala okukatukila omuprofeti onkatu.

Amos okwa tumwa kulrael. Okwa indikwa okupukulula nokufala elaka lyaKalunga komukwaniiilwa Jerobeam. Amasia omusaseri muBetel ote mu indike, aniwa ina popya sha kombinga yoshigwana. Oti idhopo miinima yoshilongo, ota eta ondumbo, nando Amos okwa tumwa kuKalunga:

"Inda ko", osho a lomgwelwa. Onke ta popi ta ti, Omuwa ota ti".

(Amos 7: 10-17). Omayamukulo ga fa ngeya otaga uvika nonena mOmapangelo. Aapangeli, aniwa oshigwana inashi londodhwa, ngele tapu monika sha itaashi tu kumwe noohapu dhaKalunga. Ongerki nayi mwene nayi kale miilonga yayo.

"Amos, thikama u tembukile koshilongo shaJuda ngu hunganekelako". Ino hunganekela muBetel, oshoka osho ondjelele yomukwaniilwa, notempeli yoshilongo. Ano mbyoka iinima yaakwaniilwa, iinima yoshilongo, inamu idhopa mo, kaleni kOngerki. Omalaka gopethimbo ndiya nosigo onena osho ge li.

"Amos okwa li a tila. "Kandi shi omuuvithi" Konima oku udha omukumo okwa lombwele omukwaniilwa, "Omuwa ota ti - Ilongekidha u ka tsakanene naKalunga koye". Elaka ndika, olyuuka komuntu kehe, oshoka olyo olyoshili, na olyaKalunga kali shi ku yandwa.

Aapangeli mboka yo muJuda nalsrael Omuwa ota ti: "Ilongekidheni, ano Israel u ka tsakanene

Tala kepanja lya landula

UUKUMWE WAAKWALUTHER AALUUDHE NAATILIGANE MUUMBUGANTU WAAFRIKA OTAU ADHIKA TUU?

Kepulo ndyoka enene li li pombanda, omadhiladhilo gamwe otaga landula mpaka okukonga eyamukulo moshinima shoka oshinene. Uyelele mbuka otwe u pewa kuamushanga omunene gwehangano lyOongeleki oonkwaLuther muumbugantu waAfrika (FELKSA), omusitagongalo K.Scmale. Momadhiladhilo ngaka otatu vulu wo okukonga eha lyuukumwe wAakwaluther muSuidwes mekwatathano nongeleki onkwaevangeli paLuther ya hangana muSuidwes (VEKSWA) moka omumwameme, DELK, a tegelelwa ethimbo. ele.

Kala wi ilongekidha

Dha za kep. 4

naKalunga koye". Aaprofeti aambanda ya fa Amos naJesaja, onkene ngaa taa tumwa ya fale elaka lyOmuwa koshigwana ya tye: "Omuwa ta ti:

Otaa pewa omukumo kOmbepo Ondjapuki, opo ya fale elaka kuayehe li li ngashi li li. Ha oohapu dhawo. Elaka lyaKalunga oku li lombwela shaangoka, ngele a hala nenge ina hala, omuyamba nenge ohepele omuluudhe nenge omutiligane, omunona nenge omukuluntu, nenge omukriste, omupangeli nenge omupangelwa kutya: "Omuwa ota ti: ilongekidha u ka tsakanene naKalunga koye". Otatu indile Kalunga a tume epapudhuko maantu ayehe opo ayehe ya tumeke okuiliongekidha, manga pe na etnimbo.

POLWE MWENE". Rom 14: 12. Kooitaali: "Kaku na epangulo lyokukanitha mboka ye li muKristus Jesus". Oohapu ndhika kadhi shi dhandje odhaKalunga. Amos 4: 12. Otapu ka kala ngeyi:

"Ondundu mu tu gwile, otwa tidha mo oopwidhuli medhina lyoye, onda li miilonga yOngerki, omusita, omuwiliki. Inandi punduka. Ondi na omapitikilo gegongalo, ondi li mondjokana yopangerki, onda futa ligandjwa, kandi na oongunga. Elenga lyandje lya pukitha ndje, aantu ya fala ndje moshiponga shika nosho tuu. Eyamukulo kuyo:

"Kandi mu shi." Omupanguli osho ta ka tya, oshoka ayihe inaamu yi ningila mboka, ongame mwene inaamu yi ningila.

Epulo olyo ndi: Owa ningile shike Jesus? "Ayihe mwe yi ningile gumwe gwaambaka, ongame mwe yi ningile." Mat 25: 31-46 osho Jesus ta ti:

OohAmos nooJesaja, aatumwa naaprofeti opo ye li sigo onena: Pamwe ongoye Amasia to ti: Naa ze pol taa idhopo tuu miinimal Otaa tsitha

tuu oondumbo? Aaprofeti naatumwa ngele taa tila okufala elaka lyaKalunga nkoka ya tumwa oyo pamwe noshigwana noniilongo yawo naapangeli yasho shaa gumwe polwoye, "iliongekidha ano u ka tsakanene naKalunga koye."

PEHULILO:

Aantu moshilongo shimwe oya li ya mono elondodho ya tembukile koondundu, oshoka aana ndunge yomashina oya mono kutya, ondama onenenene yomeya, otayi ka teka, naantu otaa ka sa komeya, ngele itaa tembuka.

Aantu oya dhini oohapu ndhoka. Osho sha ningwa aantu 300 oya si sho inaa ilongekidha okuza po. Oya tindi. Mbo yi ilongekidha ya hupu meso kekuliko nokeitaalo. Nepapudhuko lya tya ngaaka oku ya kuKalunga manga pe na ethimbo, otatu li luku EITEDHULULO: EILONGEKIDHILO LYOMWENYOGWAALUHE MOKUKATSAKANENA NAKATATUGUMWE OMUNAMAPANGELO AGEHE' MANGA PU NA ETHIMBO nosho wo MESIKU LYEPANGULO LYAHUGUNINA:

"ILONGEKIDHA ANO U KA TSAKANENE NA KALUNGA KOYE MANGA PU NA ETHIMBO".

K. Dumeni

Ondjokonona yaFelksa

Ngashingeyi oku na nokuli oongeleki oonkwaLuther 13 dha hangana muumbugantu waAfrika, dhi na iilyo 850,000. Oongeleki dhomuNamibia odha yalulilwa mo wo naandjika yOwambokavango.

Oongeleki mbali mehanganu ndyoka odhaMoravia nadhimwe ishewe dhokuRhodesia. Oongeleki adhihe odha valwa momatumo ngele ogokuEuropa nenge kuAmerika. Oongeleki 4 dhomhangano odhaatiligane ayeke.

Okuza petameko lela lyoshilonga shetu shOongeleki oonkwaevangeli paLuther, shoka osha longwa aluhe mokati komuhoko gwontumba nenge koludhi lwongandi.

ligongingeleki ngele tayi ningwa, ohayi ningwa ashike paitopolwa yomihoko dhontumba panyooloko. Naashika osho she ende ethimbo ele pwa na egandjo lyasha lyuusama, nokuli osha fa osho sha ningwa muuyuni auhe.

Onkambadhala yotango

Onkalo ndjika oye etitha ekwatathano lyOongeleki oonkwaLuther li ninge eshona. Ngiika 1958 sho aakalelipo yomahanganu omakwaLuther naakalelipo yiigongingeleka, noshAandowishi wo, ya gongala kumwe lwotango ya kundathane uukumwe wAakwaluther.

Shono shi shi okutumbulwa mpaka ongosha li oshilalakanenwa, osho:

—Shotangotango pu ningwe uukumwe wOongeleki paitopolwa yi ili noyi ili niigongingeleki mbyoka ya hala okuya muukumwe mbuka oya indilwa yi shi ninge mbala. Ano uukumwe wOongeleki 13 mboka tau monika ngashingeyi, owa za 1959—1964, ihe opamukanka gwomihoko.

Nonando she ende ngaaka, onkene tuu kwa kala taku uvika omawi taga zi maaluudhe, unene aagundjuka, taga indile uukumwe u mbwalangandjekwe mokati kAakwaluther. Ewi limwe olya tile ngeyi:

FELKSA

Olutu lwaKristus, Omuwa gwetu, otalu ehamu komalutandu gomongeleki nokoontamanana. Otu li natango kokule tu ulike oluhodhi lwetu omo-luuwehamwe mbuka, notau kwatha mokwaalulula komushigakano. Omayooloko goongundu mokati kuumwayinathana wAakwaluther, itaga aludha nando ilalo, shila oge tu yugu ashike enyanyu lyopaumwayinathana."

Omumvo 1966 Ehangano lyOongeleki oonkwaLuther muumbugantu waAfrika (FELKSA) olya dhikwa. Osha li sha pula Oongeleki oomvula 8, okuza 1968 dhi thike muukumwe mbuka. Shono sha ningwa po sha zi meyo lyokumwe ndika, osho oonkundathana pokati kOongeleki nOongeleki nokombinga yimwe okwa yiwa wo nomii-longa. Unene tuu osha ningitha ewi lyOongeleki oonkwaevangeli paLuther muumbugantu wa-

Afrika, li uvike nuuyuni auhe.

Oshi shi wo okutumbulwa kutya, Oongeleki dhimwe odha tegelele onkalo ya FEKSA yuukwashi-gongi wowala yi konakonwe shoka tashi ti Felksa a ninge omatokolo taga yi muule nando

Oongeleki yimwe inayi shi zimina.

Mekotampango omwa tiwa: "Felksa kee na nando oonkondo dhasha, okuningila Oongeleki yontumba eutho, nonando yi kale oshilyo she." Nonando mpaka tapu monika uukwatya wa yela waFelksa kutya owa kankamekelwa unene ko-

Dha za kep. 5

mukalo gwoshigongi, shoka otashi vulu wo oku-sitha omadhiladhilo gayamwe uunye, mboka ya kala taa lalakanene uukumwe wowene.

Oshikundathanwa shimwe sha kala aluhe miigo-gongi yaFELKSA, osho epulo lyokukala kumwe mUulalelo Uuyapuki, aatiligane naaludhe. Shika osha talikila kumwe nepulo ndyoka ngele aaludhe taa vulu tuu okuya moshuivithilo shaatiligane.

Moshinima shika mekotampango omwa tiwa; kutya Ongeleki tayi zimine omanyolo omayapuki (Ombimbeli) kutya ogo ageke euthongodhi, lyoshili inaali puka li shi okulongithwa melongo lyOngeleki nomiilonga yayo, notayi zimine ehempululo lyOngeleki onkwaLuther, unene ndyoka lyokuAugustsburg, oyo ayike tayi taambwa yi ninge oshilyo shaFelksa.

Pamadhiladhilo gomunyoli gwehistoli ndika, okwa tala kutya shika oshe egulula wo nompito yokukala kumwe ilyo ayihe yehangano mUulalelo Uuyapuki nomoshuivithilo. Sho shika osho ihe inaashi taambwa kililo ayihe yehangano.

OONGELEKI OONKWALUTHER DHA HANGANA MU S.A.

Okuza komumvo 1965 Oongeleki dhAandowishi ne muumbugantu waAfrika odha hangana kumwe. lilyo yadho oyi thike lwopo 45,000. Okuhangana kwadho oku shi okutalika kutya okwo wo kwe eta uudhigu mu FELKSA uuna taku ningwa omatokolo ga simana.

Ehangano ndika sho kali na egamo neitulomo lyokuhilila Oongeleki oonkwawo dhAakwaluther mulyo osho shoka she eta omapulo omadhigu mOongeleki dhomuumbugantu waAfrika .

EHANGANO LYAAKWALUTHER MU S.A.

Mu Maalitsa 1972 Ongeleki onkwaevangeli pa-Luther mu SWA (VELKSWA) oya hangana. lilyongeleki yayo, oya za mOngeleki yetumo lyAandowishi mUushimba nonkwawo Ongeleki yomWambokavango. lilyo mOngeleki ndjika ya hangana oya adha 300,000.

Mpaka opu na eyooloko pokati komahanganongeleki ngaka gaali. Manga Ongeleki ya hangana yAandowishi kayi na nando eyelekelo lyasha okwiithanena Oongeleki oonkwawo muyo, ye VELKSWA (Oongeleki mbali dhaaludhe dha hangana muNamibia) odha yelitha petameko tela kutya omweelo gwadho ogwe egulukila wo nOongeleki dhaatiligane, unene ndjoka yAandowishi mu SWA.

Ehiyo lyokuhangana kumwe lya VELKSWA, oya tumwa kOngeleki yAandowishi (DELK) nonkambadhala ndjoka ya ningwa kAasita yomOngeleki ndjoka yAandowishi, oya uvika ko nayi kilyo yawo momagongalo. Natango opwa tegelelwa pu monike shono tashi ke ya po mekambadhala ndika.

Ngashingeyi ehangano lya FELKSA, ndyoka lya kwatelela mo Oongeleki adhihe oonkwaLuther muumbugantu waAfrika, aaludhe naatiligane, li li ihe oshilyo mOngongahangano yAakwaluther.

OMAPULO OMANENE

Eholololo ndika lyomapandja 11 olya hulithwa kuamushanga omunene gwa FELKSA nomapulo omanene ngoka taga landula mpaka.

—Olye e lilepo Ongeleki onkwaLuther muumbugantu waAfrika? Aawilikingeleki mboka ya ningile onkambadhala yokweeta po uukumwe moonkundathana? Nongele osho, kape na tuu

omwaka pokati koohapu dhaawilikingeleki niilyo yomomagongalo, unene momagongalo gaatiligane?

Nonando pwa tungwa omahokololo omawana-mOongeleki onkwaLuther, okweeta po uukumwe natango tuu onkene pu na omagongalo gamwe gaatiligane ge na uudhigu okutaamba omusita omuluudhe moshuivithilo shago, nenge okulya naye pamwe Uulalelo Uuyapuki.

Karl Schmale

OOKUUME KETUMO YA HALELWA EYAMBEKO

Ookuume koshilonga shetumo moshitayingeleki shOndonga, megongalo lyaNayena, oya gwayele momapyatumo gokOnankali hoka taku longwa oshilonga shetumo, oku ga helela. Oya mono wo ompito yokupopitha aayebele hwiya noku ya ningila ohungi.

Omuyevangeliste nomudiakoni, Abisai lhuhwa ngoka ta longo mOnankali okwa popi aalongi yoshilonga shika shetumo, ta lombwele aaleshi yOmukwetu a ti:

Ookume ketumo mongeleki yetu, ehoko lyeni olye tu tsu omukumo nokutya omu li po ookuume yoshigwana muuyuni mbuka wothina. Kalunga ne mu pe na ombili, Muka aantu ye vule 5,000 aa-

AAFADHUKIPO TAA KA SHUNITHWA KAANDJAWO

Okomitiye yesiloshimpwiyu lyaafadhukipo muAfrika ndjoka ya hogololwa koshigongi shuukumwe wOongeleka dhaAfrika, oyu utha omumvo 1976 gu ka kale omumvo gwokushunitha aafadhukipo yilongo ya adha eipangelo lyawo, Guinea-Bissau, Angola naMozambikwe.

Angola oku na aantu 417,000 ye li pondje yoshilongo she omoluumbanda wuopolitika mboka wa kala tau pangele pethimbo lyekondjelomanguluko. Aafadhukipo mbaka yamwe 400,000 oye li muZaire (Kongo), manga 17,000 ye li muZambia, Botswana, Lesotho naSwaziland.

MuTanzania omu na aafadhukipo mboka ya zile muMozambikwe 58,000 na 6,000 ye li muZambia. MuSenegal omu na 82,000 mboka ya zile kuGuinea-Bissau omoluupolotika. Oongundu ndhika odha kala hadhi silwa oshimpwiyu kuukumwe wOongeleki dhaAfrika.

Moshigongi shokomitiye ndjika shono sha ningwa petameko lyomumvo nguka muNairobi shaKenya, omwa tokolwa wo ku tungwe opolograma yokupendutha Oongeleki dhi dhimbulule etano lyomwaa lu gwaantu mboka taa kongo ehologo, taa zi momapangelo giilongo yaAfrika mbyoka ya adha nale eipangelo.

Tala kep 7

Moshigongi shoka okwa tokolwa wo eti-20 Juni nuumvo li kale esiku lyokudhimbulukwa aafadhukipo muAfrika, nOongeleka dhi li iilyo yUukumwe woongeleka dhaAfrika, odha indilwa, ku ningwe omalongekidho omanene okudhana oshituthi shoka.

(AACC-Press Release)

OMHUMBWE YEHANGANO LEEHAHENDE DOVALAULE

Omhumbwe yokudika ehanganano Iovaluale ve li eehahende, muAfrika, oya konekiwa paife koilyo yokukundafana oufemba womunhu moshongalele shavo muKhartum. Pamwe noshinima eshi okwa dimbulukiwa yo omhumbwe yokomisi youfemba womunhu muAfrika. Omhangano aa avala ngeno ku holokepo, ngeno otaa dikwa naanaa pamukangha womaupo okomisi yovanaveta mounyuni.

Oinghumungu tai di momifyuulwaputuko ya kulupa, momapangelo opashikwailongo, mokatongotongo, momapangelo opakwaita, nomoku helineekelafana mewiliko loupolotika, oyo unene ya diladilifa ediko lomahanganano aa.

(AACC-Press Release)

ETALELOPO LOMUKONGINDJILA OMUKULUNHU MOWAMBO

Omukulunhu womombelewa yehaganano loukongindjila muLondon, meme Lyn Joynt, ota talelepo ombelewa youkongindjila mOshatotwa, mOwambo pexulilo la-Maalitsa neudo. Ovakongindjila vahapu mOwambo otava ka ongala pombelewa yavo mOnandjokwe 28-30.3.1975 okukunda omweenda wavo.

Omweenda Joynt ota ka findikilwa metalelopo laye kOwambo komukulunhu woukongindjila moshitayi shokOushimba, meekulu Aase Geel, mOvenduka. Ovaenda vakwao yo otava ka kala molweendo eli.

Mumwe netambulo lovaenda, ovakongindjila mOwambo otava dana yo oshivilo shehangano eli shokomudo. Pefimbo loshongalele eshi otaku ningwa yo eetundi dimwe di na sha noilonga yavo yehanganano. Oshivilo otashi xulifwa nelongelokalunga eli tali ningwa komufitaongalo Toivo Pentikainen nahamushanga womubishopi Set Son Shivute.



Mefano ndika otatu pewa uyelele wa gwana wonkalo yomuumbugantu waAfrika. Mpoka eso neyumuko lyaKristus lyataambwa kwaayehe, ayehe otaa kalathana nombili itapu talwa olwaala nenge omuhoko. Tala koho yomushigakano gwaJesus kolulyo. Ihe pondje yo mushigakano gwaJesus, oludhi kehe olu li paandjawa, taa tilathana.

OMAMBO GA HOLOKA

Omambo ngoka ga nuninwa osekundoskola momumvo 1975, oga holoke-
la mOstolamambo, Oniipa nogo ngashi taga landula mpa:

mOshikwanyama:

Omona wOhamba
Moshilongo shetu
nOushitwe wOinamwenyo

mOshindonga:

Omuntu; Ishi
nElaka lyOshindonga ost. 6

Ngoka taga tegelelwa natango noge li pokumonika ogo ishewe:

mOshikwanyama:

Shimbungu
Omapenda aKristus
Epopilongulu laKunene la kana

mOshindonga:

Mery Slessor
Robinson Crusoe
mOshinkoti shaShakespeare

Ngele oku na osekundoskola nenge omwiilongeli megumbo inaa mona nata-
ngo omambo ga pumbiwa, na tume embestelo lye kOstolamambo, Oshako
2013, Ondangwa, 9270 notali ya mukulwa mbala.

OKAMBILIVE KOSHITAYINGELEKI SHUUNINGININO

Opwa piti ethimbo ele sho pwa uvikile kutya omutonateli gwoshitayingeleki
shUuninginino, Rev. Jason Amakutuwa, ota ka talela po oomwedhi dhimwe ku-
Europa. Ethimbo olya thiki ihe Kalunga sho kwe egulula osheelo shika. Tateku-
lu Amakutuwa okwa thigi po nokuli evi ndika omasiku ga zi ko. Kaakriste yo-
magongalo ge ote ya laleke ngeyi:

Ne amuhe oonakuniwe keithano lyome-
gulu, one aaholike naayuulukiwa, otandi
mu nyolele noku mu kundithila po mo-
hole yOmuwa gwetu Jesus. Kalunga o-
kwa hala a kale e mu na muukwaalu-
he. Kalunga ina hala a kale e mu hunu-
tha muukwaaluhe.

Ohole ye oyo ombambyona mpaka ku-
tya ota kala mutse. Otu li po tu hole aa-
mwameme, oshoka otse oyomuKalunga.
Uuyuni kau na ohole. Opu na aantu o-
yendji taa kongo ohole ngashingeyi, ano
ya hala aantu mboka ye ya hole.

Ohole megumbo, ohole pumukweni, o-
hole moshilongo, ohole paatondi. Aana
yaKalunga oyo ayeke ye hole aatondi ya-
wo. "Holeni aatondi yeni, galikaneneni
aahepeki yeni. Lalekeni nuuyamba mbo-
ka taye mu tula omutima."

Sho taku tiwa ote zi po ndi ye kuEuropa,
onda dhiladhila ndi mu kunde nokamba-
pila haka. Yakwanegongalo, dhiginineni
shili mwaa falafalwe kefundja. Kolekeni
okwiithanwa kweni nokuhogololwa kwe-
ni.

Mboka mu li pomahala ga taamba aa-
sita aape, kwatheni aasita yeni aape. ne
mu longe shili nomungunda opo tamu
shi fulula ko. Moshinima shoka mpaka
onda tengeneke ngashi Aakando, Aau-
kwandongo, Aaluteyi nAashilemba.

Ote sikumudha aanashilonga amuhe mu
tonate shili, mu tale iilonga yeni. Kristus
ote ya mbala. "Kaleni mwa thikama
mOmuwa aaholike, aluhe aalaadhi mo-
shilonga shOmuwa."

Onda hala okukala ndi mu na komwe-
nyo gwandje aluhe. Inamu dhimbwa o-
mundunduwiila mukweni momagalikano
geni, aawe. Kaleni noku shi ninga nga-
shi hamu shi ningi noshito.

Ohole yaKalunga nayi wayulilwe mune.
Kristus mutse, etegameno li na omwe-
nyo. Andiya manga yakwetu ndi thike
puHelsinki. Hei-hei.

INATU DHIMBWENI OMUWILIKI GWIITA

Aagundjuka Aanamibia, pethimbo ndika
otse aniwa yoshigwana shokomeho. Ihe
sho te tala, oyendji oya dhimbwa omu-
wiliki gwiita yetu nguka ta vulu oku tu
sindila molugodhi lwetu.

Otwa dhimbweni Kalunga nonando twa
tseyeni nawa kutya ngoka ku mu na, ito
vulu sha. Oyendji oya ningi aakongi ye-
liki noomwenyo dhooyakwetu, otatu dhi
gandja mokusa. Ongeleka otwe yi dhi-
mbwa, twa ningi aasheki yaasita noyo-
magongalo.

M.A.Indeimo

OMUKWETU

Oye oshifo shOngeleki onkwaevangeli paLuther yomOwa-
mbokavango. Ohashi nyanyangidhwa mOniipa. Omukuluntu
gwoshifo omumbisofu dr. Leonard Auula
Amushanga Rev Sebuion Ekandjo

Ondando yoshifo komumvo muSuidwes nomuAfrika alihe
R 1. 00 kombanda yomafuta R 2. 00.

Ondando nomambesitelo naga tumwe kOmulukwetu. Oniipa:
P/ B 2013. Ondangwa

Omatseyitho agehe gomuntu mwene ohaga futliwa kumwene

OWAMBOKAVANGO CHURCH PRESS
PRIVATE BAG 2013 ONDANGWA. 9270